

INUIT ATAQATIGIIT

INATSISARTUNI



Nuuk 26. august 2011

Inatsisartut suleriaasianni § 37 naapertorlugu matumuuna imaattunik Naalackersuisunut apeqquteqarpunga:

1. Nunatsinni inuit ukioqatigiiaat immikkoortukkaat amerlassutsimikkut allannguuteqalernerat annertuvoq, suliassanik annertuunik malitseqartussamik. Tusarniaaneq pitsaanerusoq pisariaqartussaavoq – tamatumani susoqarpa?

2. Aatsitassarsiornikkut ineriartortitsineq annertuvoq, paasissutissanik amerlasuunik nalunaarusianillu annertusinnaasunik malitseqartussaasut. Piffissaqarluartumik tusarniaaneq, akissutigineqartullu tamakkiinerusut pingaaruteqartussaapput – tamatumani Naalackersuisut qanoq periuseqarpat?

3. Aalisarnermik inuussutissarsiorneq inuussutissarsiutitut naleqqussaavigineqarniarpoq. Nunatsinni inuiaqatigiinnut malinnaatitsinikkut ingerlanneqartariaqarmat, tusarniaasarnikkut nutarterinissaq pingaaruteqarpoq, isummerfissat paasissutissallu annertummata – tusarniaaneq qanoq ingerlanneqarpa?

4. Peqqinnissaqarfiup aaqqissusaanerata allannguuteqarnissaa siunissami qaninnerusumi pissasoq anguniagaavoq, allannguinerit annertuut ilaatigut takorloorneqarlutik. Tusarniaanerit qanoq ingerlanneqarpat?

5. Inuussutissarsiorfissatut nutaatut oliesiorfiit pilersaarutigineqartut sungi-usimanngisavut ineriartortissallugit piviusorsiornersut misilittaavigineqarput - annertuumik oqallisigineqalereersut isummersorfiungaatsiartussaasut. il.il. – kalluarneqartussarpasuit tamatumani qanoq tusarniaavigineqarpat?

(Inatsisartuni ilaasortaq Aqqaluaq B. Egede, Inuit Ataqatigiit)

Tungavilersuut:

Matumuuna Naalackersuisunut apeqquteqaatitut ingerlatippakka, tusarniaasarnerup nutarteriffigineqarnissaa pillugu Inatsisartut aalajangiiffigisassaattut siunnersuutima (UPA 2010/39) Inatsisartunit akuerineqartup suliarineqarnera sumut killinnersoq paasisaqarfigerusukkakku.

Tassa Kalaallit Nunaanni inuiaqatigiittut atukkavut, ulluinnarnilu inuusaatsikkut pisortanit sullinneqarnitsinnut attuumassuteqartut allanngoriartulerput. Pingaaruteqarpoq kattuffiit, peqatigiiffiit suliniaqatigiiffillu tamarmik isummernissaminnut periarfissaqarluarlutik suleqa-taatinnissaat.

Suliassat annertuut pingaarutilissuit kikkut tamarmik peqataatinnerisigut isummersoqataa-tinnerisigullu ingerlanneqartariaqarmata Naalackersuisunut apeqquteqaatit matumuuna al-lakkatigut ingerlatippakka.